



SIARAN MEDIA

PERBADANAN TABUNG PENDIDIKAN TINGGI NASIONAL (PTPTN)

“PELANCARAN SSPN-i PLUS PERINGKAT NEGERI JOHOR GALAK PENABUNGAN DI KALANGAN BANGSA JOHOR”

(TABUNG PENDIDIKAN)

1. Fungsi PTPTN bukanlah hanya memberikan pinjaman semata-mata tetapi juga sebagai institusi penabungan pendidikan melalui Skim Simpanan Pendidikan Nasional. Usaha proaktif PTPTN dalam mentransformasikan minda masyarakat Malaysia untuk membuat penabungan pendidikan merupakan suatu tindakan yang amat baik dan murni dan perlu disambut oleh segenap lapisan masyarakat Malaysia.
2. Dalam konteks ini, PTPTN tidak seharusnya dilihat sebagai pemberi pinjam dan pengutip hutang semata-mata tetapi sebaliknya dilihat sebagai TABUNG PENDIDIKAN untuk rakyat Malaysia, sebagaimana Lembaga Tabung Haji dilihat untuk mengerjakan haji dan KWSP dilihat untuk simpanan apabila telah bersara. Maka, sekiranya ingin melihat anak-anak berjaya mendapat pendidikan tinggi, ada PTPTN - TABUNG PENDIDIKAN Anda.
3. Menabung sekarang untuk pendidikan masa akan datang adalah merupakan satu tindakan yang amat bijak berbanding hanya bergantung sepenuhnya kepada pinjaman. Dengan penabungan sedari awal, graduan pada masa hadapan akan hanya mempunyai hutang pendidikan yang minimum.

(PELAN SIMPANAN TERBAIK SSPN-i PLUS)

4. Kewujudan SSPN-i Plus sememangnya merupakan suatu anugerah kepada rakyat Malaysia kerana instrumen ini merupakan pelan simpanan terbaik yang disediakan untuk rakyat yang bergelar warganegara Malaysia.

5. Rakyat Malaysia yang beragama Islam juga tidak perlu kluatir kerana skim simpanan pendidikan daripada PTPTN ini adalah produk yang sentiasa **berpandukan kepada sistem kewangan yang patuh syariah**, selain simpanannya yang **dijamin oleh Kerajaan**.
6. Dengan menabung bagi tujuan simpanan pendidikan, masa depan anak-anak akan terjamin kerana memperoleh **perlindungan takaful yang amat murah dan komprehensif**. Sekiranya ibu bapa menyimpan di dalam produk simpanan pendidikan SSPN-i Plus ini, mereka **tidak perlu risau sekiranya berlaku perkara yang tidak diinginkan**. Ini kerana simpanan **SSPN-i Plus** memberikan **perlindungan takaful daripada RM40,000 sehingga RM1Juta** bagi setiap anak.
7. Kadar **dividen yang diberikan adalah amat kompetitif** berbanding yang diberikan oleh lain-lain institusi kewangan. Dividen yang diberikan pada tahun **2016 adalah sebanyak 4%**.
8. Ibu bapa yang membuat penabungan pula diberikan **pelepasan taksiran cukai sehingga RM12,000 setahun**. Pelepasan taksiran cukai yang diberikan ini membuktikan bahawa ternyata skim simpanan ini amat istimewa. **Kesemua manfaat ini, jika dikira memberi pulangan sehingga 28% kepada pendeposit**.

(PELANCARAN SSPN-i PLUS DI NEGERI JOHOR)

9. Sejak **SSPN-i Plus** dilancarkan pada **8 Jun 2015** sehingga **31 Ogos 2017**, pembukaan akaun **SSPN-i Plus** adalah sebanyak **124,695 akaun** dengan jumlah deposit terkumpul sebanyak **RM54 juta** dan jumlah manfaat perlindungan takaful sehingga **RM5.75 bilion**.
10. Bagi negeri **Johor** pula, sehingga **31 Ogos 2017**, pembukaan akaun **SSPN-i Plus** adalah sebanyak **3,386 akaun** dengan jumlah deposit terkumpul sebanyak **RM1.4 juta** dan jumlah manfaat perlindungan takaful sehingga **RM166.7 juta**.
11. **Rakyat dan bangsa Johor perlu merebut peluang yang ada dengan membuka dan menambah simpanan di dalam akaun SSPN-i Plus kerana ia merupakan pilihan penabungan pendidikan yang terbaik**. Kemudahan dan peluang telah disediakan semuanya oleh Kerajaan. **Apa yang perlu dilakukan oleh ibu bapa adalah jangan berlengah lagi. Ayuh! Mulakan penabungan melalui SSPN-i Plus**. Percayalah bahawa kecemerlangan pendidikan masa depan anak-anak kita

semua adalah terletak di tangan kita sendiri, para ibu bapa yang mencorakkan dan merancang untuk masa depan mereka.

12. Pihak pengurusan jabatan/ agensi di Negeri Johor perlu memberikan kerjasama yang sepenuhnya kepada PTPTN sama ada untuk pembukaan kaunter atau sesi taklimat kepada kakitangan masing-masing.
13. Masyarakat seharusnya tidak terlalu bergantung kepada pinjaman semata-mata. Ketahuilah bahawa sekiranya simpanan dilakukan sedari awal, ianya merupakan satu tindakan yang amat bijak berbanding hanya bergantung kepada pinjaman kerana dengan menyimpan lebih banyak manfaat akan diperoleh dan ibu bapa serta anak-anak tidak perlu risau di kemudian hari apabila ingin ke menara gading.

(SUMBANGAN PENDIDIKAN BERUPA SSPN)

14. Bermula tahun 2016, pihak Yayasan Pelajaran Johor (YPJ) telah bekerjasama dengan PTPTN untuk memberikan sumbangan Biasiswa Kenangan Dato' Onn (BKDO) berupa akaun SSPN-i. Seramai 400 orang penerima BKDO yang baru pada tahun 2016 dan diteruskan lagi kepada penerima baharu pada tahun 2017 dan sedia ada (tahun 2016) dengan melibatkan jumlah peruntukan sebanyak RM725,600. Kadar yang diberikan kepada penerima Tingkatan 1 sehingga Tingkatan 5 adalah sebanyak RM600 manakala bagi Tingkatan 6 pula adalah sebanyak RM1,000.
15. Badan-badan korporat, agensi-agensi kerajaan dan swasta yang lain di Negeri Johor turut digalakkan dalam memberikan sumbangan pendidikan berupa pembukaan atau penambahan akaun SSPN-i/ SSPN-i Plus. Dengan sokongan daripada semua pihak akhirnya mampu melahirkan generasi yang bebas dari bebanan hutang kerana mempunyai perancangan simpanan pendidikan yang tersusun melalui produk SSPN-i/ SSPN-i Plus ini.

(INSENTIF KHAS GERAN SEPADAN PERCUMA RM50)

16. YAB Dato' Seri Mohd Najib bin Tun Abdul Razak, Perdana Menteri Malaysia yang kita sayangi, semasa pembentangan Bajet 2017 pada 21 Oktober 2016 yang lalu telah mengumumkan bahawa Kerajaan menyediakan pemberian Insentif Khas Geran Sepadan bagi simpanan terkumpul sehingga RM50 dalam akaun SSPN-i/ SSPN-i Plus kepada pelajar Tahun 1 sekolah bantuan penuh Kerajaan.

17. Ini bermakna bermula 1 Januari 2017 mana-mana ibu bapa atau penjaga yang membuat simpanan untuk anak-anak mereka yang merupakan pelajar Tahun 1 sekolah bantuan penuh Kerajaan akan menerima tambahan keistimewaan iaitu simpanan percuma bernilai RM50. Untuk itu, peruntukan sebanyak RM25juta telah disediakan untuk diberikan secara percuma kepada mereka yang layak.
18. Ibu bapa khususnya di Negeri Johor perlu memainkan peranan bagi memastikan masa depan pendidikan anak-anak lebih terjamin dengan memilih Skim Simpanan Pendidikan Nasional sebagai penabungan untuk anak-anak.
(Cabutan WOW! 20 Tahun PTPTN)
19. Bagi menggalakkan lebih ramai masyarakat menyimpan, PTPTN turut menyediakan cabutan hadiah kepada pendeposit yang membuka atau menambah di dalam akaun SSPN-i Plus melalui Cabutan WOW! 20 Tahun PTPTN. Lebih 2,500 hadiah bernilai RM500,000 telah disediakan untuk pendeposit.
20. Cabutan WOW! 20 Tahun PTPTN ini merangkumi Cabutan Bulanan dan Cabutan Istimewa yang diadakan sempena ulangtahun ke-20 penubuhan PTPTN iaitu bermula pada tahun 1997 hingga 2017. Ia juga sebagai tanda penghargaan dan dorongan serta galakan kepada masyarakat Malaysia termasuklah bangsa Johor yang menyimpan dengan PTPTN.
21. Dengan hadiah yang cukup menarik disediakan oleh PTPTN sebagai tambahan kepada keistimewaan-keistimewaan lain yang telah diberikan, semua lapisan masyarakat termasuklah di Negeri Johor perlu merebut peluang dengan membuka akaun atau menambah simpanan di dalam SSPN-i Plus. Melalui cabutan ini, pendeposit SSPN-i Plus layak memenangi hadiah utama Cabutan Istimewa sebanyak RM100,000 serta hadiah utama Cabutan Bulanan sebanyak RM10,000 pada setiap bulan. Jangan tunggu lagi kerana Cabutan Istimewa akan tamat pada 31 Oktober 2017 ini.
22. Orang ramai boleh membuka akaun SSPN-i Plus pada bila-bila masa dengan mudah hanya diujung jari secara *online* melalui www.lovespnn.com.

Perbadanan Tabung Pendidikan Tinggi Nasional (PTPTN)

13 Oktober 2017